

Bosna i Hercegovina
FEDERACIJA BOSNE I HERCEGOVINE
EKONOMSKO - SOCIJALNO VIJEĆE ZA TERITORIJU FEDERACIJE BIH

Broj: 03-30/14-765/26
Sarajevo, 10.03.2026. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

BOSNA I HERCEGOVINA
FEDERACIJA BOSNE I HERCEGOVINE

PARLAMENT FEDERACIJE BOSNE I HERCEGOVINE
PREDSTAVNIČKI DOM

Primljeno: 16 -03- 2026			
Org. jed.	Broj	Priloga	Vrijednost
05/11	-02-	50	/26

N/r gosp. Admir Čavalić, poslanik

PREDMET: Odgovor na poslaničko pitanje, dostavlja se

Poštovani g-dine Čavaliću,

Ekonomsko - socijalno vijeće za teritoriju Federacije Bosne i Hercegovine zaprimilo je akt predsjedavajućeg Predstavničkog doma Parlamenta Federacije Bosne i Hercegovine, broj: 05/1-02-50/26 od 18.02.2026. godine, kojim je dostavljeno Vaše poslaničko pitanje, postavljeno u skladu sa članom 116. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07, 2/08, 26/20 i 13/24), a koje glasi:

“Da mi se dostavi:

1. Zapisnik sa sjednice Ekonomsko - socijalnog vijeća za teritoriju Federacije Bosne i Hercegovine, održane dana 30.12.2024. godine, uključujući sve priloge, zaključke, odluke i eventualne izdvojene stavove članova Vijeća;
2. Posljednji važeći sporazum o formiranju Ekonomskog - socijalnog vijeća za teritoriju Federacije Bosne i Hercegovine, sa svim aneksima i izmjenama, ukoliko postoje.”

S tim u vezi, u okviru nadležnosti Ekonomsko-socijalnog vijeća za teritoriju Federacije Bosne i Hercegovine, dajemo slijedeći odgovor:

Članom 11. Poslovnika Predstavničkog doma Parlamenta Federacije Bosne i Hercegovine, između ostalog, propisano je da poslanik u Predstavničkom domu ima pravo i dužnost da postavlja poslanička pitanja u okviru djelokruga Predstavničkog doma i pokreće inicijative od interesa za narode i građane i političke stranke čije interese neposredno izražava u Predstavničkom domu. Uzimajući u obzir naprijed navedeno, Vaš zahtjev za dostavljanje zapisnika sa sjednice Ekonomsko - socijalnog vijeća za teritoriju Federacije Bosne i Hercegovine može se smatrati neosnovanim, obzirom da nije obrazloženo kako bi se dostavljanjem istog postigla svrha samog poslaničkog pitanja.

Također, potrebno je naglasiti da je Poslovníkom o radu Ekonomsko - socijalnog vijeća za teritoriju Federacije Bosne i Hercegovine propisano da se zapisnici sa sjednica

dostavljaju članovima istog, ali ne i trećim stranama. S tim u vezi, ukoliko su Vam potrebne konkretne informacije koje se odnose na sjednicu Ekonomsko - socijalnog vijeća za teritoriju Federacije Bosne i Hercegovine, koja je održana dana 30.12.2024. godine, iste Vam možemo dostaviti.

Ipak, neovisno od naprijed navedenog, po odobrenju predsjednika Ekonomsko-socijalnog vijeća za teritoriju Federacije Bosne i Hercegovine, uz ovaj dopis, dostavljamo Vam Zapisnik sa sjednice Ekonomsko - socijalnog vijeća za teritoriju Federacije Bosne i Hercegovine održane 30.12.2024. godine, a ukoliko su vam potrebna određena pojašnjenja stojimo Vam na raspolaganju.

U pogledu zahtjeva za dostavu važećeg Sporazuma o formiranju Ekonomsko - socijalnog vijeća za teritoriju Federacije Bosne i Hercegovine, sa svim aneksima i izmjenama, informišemo Vas da je osnovni tekst Sporazuma o osnivanju Ekonomsko - socijalnog vijeća za teritoriju Federacije Bosne i Hercegovine objavljen u „Službenim novinama Federacije BiH“, broj: 47/02, dok su izmjene i dopune istog objavljene u „Službenim novinama Federacije BiH“, br. 42/03, 8/08, 13/08, 51/08 i 10/11, te iste možete sami preuzeti.

S poštovanjem,



STRUČNA SLUŽBA

PRILOG:

- Zapisnik sa II. Sjednice ESV FBiH održane 30.12.2024. godine

DOSTAVITI:

- N/r predsjedavajućeg Predstavničkog doma Parlamenta Federacije BiH
Veza: Vaš akt broj: 05/1-02-50/26 od 18.02.2026. godine
- N/r sekretara Vlade Federacije BiH
Veza: Vaš akt broj: 03-04-368-5/2026 od 19.02.2026. godine
- N/r federalnog ministara rada i socijalne politike
Veza: Vaš akt broj: 03-02/2-715/26 JR od 23.02.2026. godine
- a/a

Broj: 03-30/14-6/25

Sarajevo, 06.01.2025. godine

ZAPISNIK

sa II. sjednice Ekonomsko-socijalnog vijeća za teritoriju Federacije Bosne i Hercegovine, održane dana 30.12.2024. godine u 10:00 sati

Sjednicom predsjedava Safudin Čengić, predsjednik Ekonomsko-socijalnog vijeća za teritoriju Federacije BiH

Na početku sjednice, predsjednik je konstatovao da sjednici prisustvuje 18 članova ESV i to:

Predstavnici Vlade Federacije Bosne i Hercegovine:

Vojin Mijatović, zamjenik premijera i federalni ministar razvoja, poduzetništva i obrta; **Adnan Delić**, federalni ministar rada i socijalne politike; **Toni Kraljević**, federalni ministar finansija; **Vedran Lakić**, federalni ministar energije, rudarstva i industrije i **Kemal Hrnjić**, federalni ministar poljoprivrede, vodoprivrede i šumarstva.

Predstavnici Udruženja poslodavaca u Federaciji Bosne i Hercegovine:

Adnan Smailbegović, predsjednik Upravnog odbora Udruženja poslodavaca FBiH; **Mario Nenadić**, direktor Udruženja poslodavaca FBiH; **Zoran Gazibarić**, član delegacije Udruženja poslodavaca FBiH, **Venan Hadžiselimović**, član delegacije Udruženja poslodavaca FBiH i **Josip Kraljević**, član delegacije Udruženja poslodavaca FBiH.

Predstavnici delegacije Sindikata:

Fikret Alić, **Selvedin Šatorovć**, **Saša Živković**, **Berislav Babić**, **Mirza Hadžiabdić**, **Mevludin Bektić** i **Almir Salihović**, članovi delegacije Sindikata.

Sjednici nisu prisustvovali:

Nermin Nikšić, premijer Federacije BiH; **Nediljko Rimac**, federalni ministar zdravstva; **Samir Kurtović**, član delegacije Sindikata i **Senad Džambić**, član delegacije Udruženja poslodavaca FBiH.

Mevludin Bektić javio se za riječ, te naveo da Samir Kurtović, član delegacije Sindikata odsustvuje sa sjednice iz opravdanih razloga.

Pored prisutnih članova, sjednici Ekonomsko-socijalnog vijeća na teritoriji Federacije Bosne i Hercegovine (u daljem tekstu: ESV) su prisustvovali članovi Stručne službe

Ekonomsko-socijalnog vijeća za teritoriju Federacije BiH, te Sanel Buljubašić, generalni direktor JP „Elektroprivreda“ d.d. BiH i Nedžad Ikanović, izvršni direktor za snabdjevanje i trgovinu u JP „Elektroprivreda“ d.d. BiH.

Na početku sjednice, predsjednik ESV istakao je da je njegovim imenovanjem na mjesto predsjednika, ostalo jedno upražnjeno mjesto za člana ispred delegacije Udruženja poslodavaca u Federaciji BiH, te zatražio od prisutnih prijedlog za imenovanje novog člana.

Adnan Smailbegović, član delegacije ispred Udruženja poslodavaca FBiH, informisao je prisutne da je odlukom Upravnog odbora za novog člana u delegaciju Udruženja poslodavaca u FBiH imenovana Snježana Koepruner (Odluka o razrješenju postojećeg i imenovanju novog člana delacije Udruženja poslodavaca u FBiH u Ekonomsko-socijalnom vijeću za teritoriju FBiH broj: I-228/24 od 29.12.2024. godine je prethodno dostavljena Stručnoj službi).

Predsjednik je konstatovao da je ESV, konstituisano u punom sazivu.

Obzirom da postoji kvorum za održavanje sjednice, predsjednik ESV je predložio sljedeći dnevni red:

1. Usvajanje zapisnika sa I. sjednice Ekonomsko-socijalnog vijeća za teritoriju Federacije BiH održane dana 24.12.2024. godine;
2. Razmatranje prijedloga Uredbe o minimalnim primanjima zaposlenika u Federaciji BiH;
3. Prijedlog za produženje primjene Uredbe iz 2024. godine (januar 2025.);
4. Prijedlog za donošenje Uredbe o maksimalnom povećanju električne energije u 2025. godini;
5. Tekuća pitanja.

Predloženi Dnevni red je bez primjedbi jednoglasno usvojen.

Ad.1

Nakon uvodnog izlaganja, predsjednik ESV istakao je da je zapisnik sa konstituirajuće sjednice ESV održane dana 24.12.2024. godine, prethodno dostavljen svim prisutnim. Imajući u vidu da nije bilo primjedbi na dostavljeni tekst zapisnika, isti je jednoglasno usvojen.

Ad. 2.

Uvodno izlaganje za ovu tačku dnevnog reda dao je predsjednik ESV. Isti je naveo da su svi članovi prije održavanja sjednice dobili materijal za ovu tačku dnevnog reda, odnosno prijedlog Uredbe o minimalnim primanjima zaposlenika u Federaciji BiH dostavljenu od strane Udruženja poslodavaca u Federaciji BiH. Također je naveo da su predstavnici Vlade Federacije BiH kao predlagači, bili u obavezi dostaviti prijedlog teksta Uredbe.

U raspravi po ovoj tački dnevnog reda učestvovali su: Vojin Mijatović, Adnan Smailbegović i Fikret Alić.

Nakon provedene rasprave, predsjednik ESV dao je na glasanje prijedlog Uredbe dostavljenoj od strane Udruženja poslodavaca u Federaciji BiH. Delegacije su glasale na slijedeći način:

- Delegacija Udruženja poslodavaca u FBiH izjasnila se da podržava prijedlog Uredbe;
- Delegacija Vlade FBiH izjasnila se da ne podržava prijedlog Uredbe;
- Delegacija Sindikata izjasnila se da ne podržava prijedlog Uredbe.

Imajući u vidu da tekst Uredbe nije dobio podršku svih socijalnih partnera u ESV, predsjednik je konstatirao da ista nema saglasnost ESV.

Ad.3

Nakon kraće rasprave, u kojoj su učestvovali predstavnici sva tri socijalna partnera, pristupilo se glasanju po ovoj tački dnevnog reda.

Predsjednik ESV konstatovao je da je jednoglasno donesena odluka da se prema Vladi Federacije BiH uputi prijedlog za produženje primjene važeće Uredba o isplati pomoći od strane poslodavaca („Službene novine Federacije BiH“, br. 56/24 i 104/24) do 31.01.2025. godine.

Ad. 4

U uvodnom izlaganju predsjednik ESV je istakao da je Vlada Federacije, u prethodnom periodu, donosila uredbe o maksimalnom povećanju cijene električne energije za kalendarsku godinu. S tim u vezi, upoznao je prisutne da je Udruženje poslodavaca u Federaciji BiH u prethodnom periodu održalo sastanak sa predstavnicima JP „Elektroprivreda“ d.d. BiH s ciljem donošenja Uredbe o maksimalnom povećanju električne energije u 2025. godini. Zaključak na tom sastanku bio je da se u rješavanje ovog pitanja treba uključiti Federalno ministarstvo energije, rudarstva i industrije i Vladu Federacije BiH, odnosno da se od Vlade Federacije BiH traži donošenje nove uredbe o maksimalnom povećanju cijene električne energije, na način kako se to učinilo i u prethodnoj 2024. godini.

Predsjednik je predložio da ESV, donese Zaključak koji će se uputiti prema Vladi Federacije BiH, a kojim će se zatražiti donošenje identične uredbe o maksimalnom povećanju cijene električne energije za 2025. godinu.

Prije otvaranje rasprave po ovoj tački dnevnog reda, predsjednik ESV-a dao je riječ Sanelu Buljubašiću, generalnom direktoru JP „Elektroprivreda“ d.d. BiH i Nenadu Ikanoviću izvršnom direktoru za snabdjevanje i trgovinu u JP „Elektroprivreda“ d.d. BiH, koji su pobliže upoznali prisutne o trenutnom stanju u JP „Elektroprivreda“ d.d. BiH i cijenama na tržištu električne energije.

Predsjednik je otvorio raspravu po ovoj tački dnevnog reda, u kojoj su učestvovali: Vedran Lakić, Adnan Smailbegović i Fikret Alić.

Nakon provedene rasprave predsjednik ESV je pozvao članove da glasanje o prijedlogu da se Vladi Federacije BiH uputi predmetni zaključak u vezi sa određivanjem maksimalne cijene električne energija do 20%.

Delegacije su glasale na slijedeći način:

- Delegacija Udruženja poslodavaca FBiH izjasnila se da podržava donošenje nove Uredbe;
- Delegacija Vlade FBiH izjasnila se da ne podržava donošenje nove Uredbe;
- Delegacija Sindikata izjasnila se da ne podržava donošenje nove Uredbe.

Imajući u vidu da prijedlog za donošenje Zaključka o prijedlogu Vladi FBiH usvajanje nove Uredbe o maksimalnom povećanju cijene električne energije za 2025. godinu nije dobio podršku svih socijalnih partnera u ESV, predsjednik je konstatirao da ista nema saglasnost ESV.

Ad.5

U okviru ove tačke dnevnog reda delegirana su dva pitanja:

a) Prijedlog Vlade FBiH za donošenje odluke o minimalnoj plaći u 2025. godinu.

U okviru ove tačke dnevnog reda, predsjednik ESV dao je riječ Toniju Kraljeviću, članu delegacije Vlade Federacije BiH, da prisutne pobliže upozna o predloženoj dopuni dnevnog reda.

Naime, imenovani je naveo da Vlada Federacije BiH, ovim putem radi konsultacija sa ESV-om u skladu sa Zakonom o radu dostavlja prijedlog Odluke o minimalnoj plaći. Predmetnom odlukom predložen je iznos minimalne plaće u neto iznosu od 1.000,00 KM za kalendarsku 2025. godinu.

Tokom diskusije delegacija Saveza sindikata podržala je prijedlog Vlade Federacije, dok je Delegacija Udruženja poslodavac u Federaciji BiH, nakon zatražene pauze, izrazila neslaganje sa usmeno datim prijedlogom i obrazloženjem navedene odluke.

Nakon provedene rasprave, predsjednik ESV je pozvao prisutne da glasaju po ovoj tački dnevnog reda. Delegacije su glasale na slijedeći način:

- Delegacija Udruženja poslodavaca FBiH izjasnila se da ne podržava donošenje ove odluke;
- Delegacija Vlade FBiH izjasnila se da podržava donošenje ove odluke;
- Delegacija Saveza sindikata izjasnila se da podržava donošenje ove odluke.

Imajući u vidu da prijedlog za donošenje Zaključka o podršci prijedloga Vlade FBiH za donošenju Odluke o minimalnoj plaći za 2025. godinu nije dobio podršku svih socijalnih partnera u ESV, predsjednik je konstatirao da ista nema saglasnost ESV FBiH.

b) Naknade za rad u Ekonomsko – socijalnom vijeću Federacije BiH.


Pod ovom tačkom dnevnog reda uvodne napomene dao je Ernis Imamović, pomoćnik ministra, te istakao da je potrebno da se donesu odluke o naknadi za rad članovima ESV i administrativno-tehničko osoblje Stručne službe.

Delegacije socijalnih partnera jednoglasno su donijeli slijedeće Odluke:


- Naknada članovima ESV određuje se u visini koja je bila utvrđena i prethodnom odlukom ESV;

- Naknadu za rad administrativno - tehničkog osoblja Stručne službe, koje opslužuje rad ESV uskladiti sa Uredbom o načinu osnivanja i utvrđivanja visine naknade za rad radnih tijela osnovanih od strane Vlade Federacije Bosne i Hercegovine i rukovodilaca federalnih organa državne službe ("Službene novine Federacije BiH", br. 48/14, 77/14, 97/14, 58/15 i 57/23);
- Naknade za rad članovima ESV i administrativno - tehničkog osoblja Stručne službe isplaćuje se na mjesečnom nivou.

S obzirom da više nije bilo novih prijedloga za razmatranje pod ovom tačkom dnevnog reda, sjednica je završena u 11.40 sati.

**PREDSJEDNIK**
Dr. sc. Safudin Čengić

Zapisnik sačinila:


Aida Kovačević